

西安府志畧例

一陝西省爲域中形勝之區西安地當省會豐鎬宅京而後下汭秦漢隋唐代建國都以故山川都邑人文土物甲于他郡前志之相承者晉有關中記三輔故事梁有兩京新記後周有西京記唐有兩京道里記咸鎬故事全書皆佚不傳傳者惟宋敏求長安志本唐韋述所撰兩京新記最爲該洽堪以據依餘如程大昌雍錄何景明雍大記尙足以資採擇至今憲則多原本

大清一統志暨雍正十三年劉文恪史文靖奉

勅所修陝西通志復參以馬忠獻馮恭定賈中丞三家通志諸書

所未備者則博考經史旁徵圖籍取材旣廣卷帙遂多至

西安府志畧例

府志舊有王紹徽撰本其人以閩黨故其書不存至州縣

志中惟高陵富平醴泉耀州尙係明代所修載引用卷餘出

近今纂輯間有取資難以盡據是以今所編述雖因實創

將上以佐

朝廷四庫之儲藏下以備西安一郡之文獻斷不敢就簡尙

奢貽譏蕪漏

一立言期於有序西安自康熙乙酉

聖祖仁皇帝

翠華西幸

奎文景鑠

寶璘玢謹錄篇端以光萬禩其他分類原本史裁識離

爲十有四門蓋王者度地居民必先畫疆分野地理在所先也鄭樵云地理之要在於山川山澤旣通首先防禦故名山大川建置次之有土斯有財成則三壤所以成賦也故次之以食貨厚生必正德敬敷五教所以明倫也故次之以學校然苟非其人位不虛附則職官尙矣官師備位教養兼行而後人材出焉選舉行焉治具聿章得失期于可鑒則大事不可不紀也風徽旣往文獻惜其無徵則古蹟不可不詳也至詩所以觀民風文所以紀政事皆致治所不廢故以藝文金石終焉若夫野史稗官郢書燕說流傳已久而諸類不及詳者別爲拾遺聊以資博覽廣異聞而已無關於政教之大也

一傳云言有物又云言之無文行之不遠是編徵引經籍悉取原文言擇其雅事從其核通計決錄千有餘種另疏書目於後昔衛湜禮記集說稱人之著書惟恐不出于己吾之著書惟恐不出于人矧志乘爲一方文獻尤忌率臆無稽致使後來難以徵信至于攷究異同訂証譌舛及時事之見於案牘者俱于本條附加按語以別本書

一凡山川建置古蹟以今府州縣爲準首揭其方向里數叙山自北而西而南而東蓋地形西北高而東南下水勢卽以因之建置復由山川而定者也方位旣定然後徵引羣籍故近代州縣志乘多有列于經史之前者蓋義取分明無嫌倒置也

一別類分門義須賅簡附者取其相近合者取其相因如分野列在地理蓋地本于天沿班史之例也兵所以禦城池馬所以利剩傳故統載于建置風俗由教化而成故連綴于學校義取其相近也至戶口徭役權稅鹽錢茶馬物產統于食貨官闕苑囿第宅林圻祠宇陵墓通名古蹟例取其相因也其中理緒煩瑣復仿班志于每門分上中下卷俾觀者耳目不致混淆

一田賦職官人物選舉大事古蹟舊志皆以州縣爲序但古來田制有綜該全省者官師有兼理數縣者至選舉人物每概稱雍秦隱逸流寓多產于異地他如古蹟中漢唐官苑皆跨越數縣爲之均難割裂分以屬之某州某縣故

重刊府志舉例

三

特爲變例以時代編次後先至同在一朝則復以州縣爲序

一關中爲歷代建都之地帝王后妃太子公主朝官官庭施設事關斯土者犁爲大事志至其事該廣遠非專屬之西安者不錄若職官內如督撫學政司道提鎮治績所著例非西安一郡所得專私且其事已具通志未敢復爲紀載以侵職守

一各志職官人物分類多門如通志人物分至賢名臣廉能勇畧直諫忠節之類未

臻體要茲于官師名宦統爲職官至人物傳中名臣鉅公已見正史者多所詳節而搜其隱德發以幽光則不妨辭費至人物未經亡故列女未經

旌表概不得書以妨濫溢

一通志人物類有帝系有封爵但以帝王后妃太子諸王公主分屬諸郡縣中義例未安今人物斷自周公以下至其中有本非著籍西安而封爵在此者例得附載如後漢城人而封新豐侯皇甫嵩朝那人而封槐里侯之類又通志于帝系中闌入外戚宦官未免失倫是編于外戚中有建樹者仍列人物傳中其餘併入拾遺卷內

一大事志仿照通鑑編年彼此戰爭關乎疆宇則從其重者專載一朝之下如蜀魏南北朝宋金元諸代至于僭竊制度多不附書如新莽之改邑不入地理改官不入職官符秦石趙之臣不入人物之類史家往例固如此也若天文五行則僅載其大者如日食星聚地震及水火各災異小者附

西安府志重編

入拾遺其中祿祥占驗及泛言秦分者概不具錄

一漢書藝文志止載篇目宋范文穆吳郡志網羅一方之文彙而存之亦謂藝文詳畧固各有宜矣其例子山川古蹟題有專屬者分隸各類以合比事屬詞之義至概咏斯土無所附麗者則統為藝文其中隋唐以前諸家著述甄錄多至十分之七宋元以後例有去取間或節錄文中要語分附各類如遊覽入山川營造入建置奏議入食貨憑弔入古蹟之類以期不蕪不漏云

一志以詳贍為職而辭亦尚體要如

文廟儒賢位次壇壝方圓尺度祭祀豆籩之數月吉講讀之文鄉飲賓興祀典樂章凡載

大清會典者西安一郡無事專書至山川內支峯蔓壑建置  
內解宇間架食貨內存留支放細數職官內學官掾屬選  
舉內明經貢監人物內鄉曲善士祠宇內里社香火之類  
已詳載州縣志中概不複綴

一是書經始于乾隆丙申秋仲告成于己亥冬初後先四

載其鑒裁甄輯現任銜名詳列卷後至前任如廉使孫公

含中陞浙江布政使王公時薰宋公豐綬三公並故太守周公廷篔今任

廣西驛道具藉匡襄至于經始厥事太守汾陽田公吧之力

尤多各州縣屬如長安令楊君徽今陞華州牧凌君天祐咸寧

令歐君煥舒陞留壩同知咸陽令孫君景燧今陞泉州太守臨潼令史

君傳遠陞興安州牧藍田令阮君曙涇陽令方君承保今陞贛州太守

西安府志實例

五

三原令任君文溥今陞商州牧藍屋令徐君作梅今調渭南令

邱君佐陞寧羗州牧富平令崔君龍見今陞乾州牧醴泉令張君心

鏡今調蒲城蒐揚採輯飲益宏多例得備書不敢沒其實也

乾隆己亥冬十月之望江寧嚴長明述

古者以大臣出爲郡守。天子得親見問優者，輒勞璽書，賜金增職，甚至入爲三公。蓋謂其承流宣化，實能名實相應，致其事于民也。然一郡之內，古今疆索殊其致，山川民物異其宜，利弊沿革必先貫弗于中，而後見之施行，各得其職。是以班氏漢書首志地理，誠見夫欲行所知，未有不先以尊所聞者也。西安古稱天府四塞，豐鎬宅京，而後秦漢隋唐咸建都邑于此。因是掌故，甲于寰寓。余于乾隆癸巳奉

天子命，簡任封圻，巡撫茲土。七稔于茲，其間名山大川，以暨故墟廢井，車塵馬跡，大半經行。然于山則終南惇物，太乙垂山，武功太白，一實數名；于水則灞滻涇渭

西安府志序

灃鎬潦瀟，存亡分合。雖孔傳班書，桑經酈注，迄無定論。雖指莫繇，其他襲故沿譌，更難究詰。向著關中勝蹟圖志，類加辨析，而隻議單辭，相羊莫助。歲乙未，江寧嚴侍讀長明以病在告，稅駕關中，因以積疑與之上下，侍讀所見多與余相脗合。丙申入

覲，爰請先將關中府志重加修輯，荷蒙

俞允秉節西旋，廼以首郡屬其排纂。武進莊州倅所佐之，侍讀因與原本史裁，發凡起例，商榷既定，復以茲事體大率臆，莫憑廼攜歸金陵，蒐薈羣籍，凡與秦中文獻關涉者，計得千數百種。目載卷首類次區分，文成數萬，致力可謂勤矣。猶以事不深于政術，理弗密于時務

史廓經邦事等駟馭識者惡焉。因是復詣青門。適榆林舒太守其紳調任首郡。修明政教。百廢具舉。公餘之暇。力任蒐揚。閱其所上圖冊。至於兼兩。莫能勝載。侍讀復詳加決錄。州次部居。爲門一十有五。分類五十有一。統計成書八十卷。剗剔蕪事。以全函來。上復請序以弁其首。金時方奉

命署理督篆。金城候館間時。復披覽其文。則簡要而事復賅綜。其程大昌之博議。而謝其煩蕪。擅何景明之雅材。而加以典實。蓋侍讀讀書破萬。故能裒百論以貫三長。而舒守本實心以行實政。卽其甄錄所在。而於食貨見其勤求政本焉。于建置見其興舉廢墜焉。於

西安府志序二

學校官師。知其興德造而重循良。於忠貞節烈。知其闡幽潛而維風教。則是志也。固一郡之獻徵。卽謂太守之治譜可也。昔京兆尹之盛。無過兩漢。今觀所載。如張敞翟方進。雋不疑。顏斐諸人。皆起家經術。不徒以文法見長。厥後咸至大官。今當計吏之年。余以太守才猷卓著。爲書上考。列薦於

朝肆

觀後蒙

恩嘉勞。行將蜚英騰茂。允升于大猷。爰爲述其顛末。用示郡有良二千石。能以文學被飾吏治。不特長吏與有榮施。兼使列郡諸守。亦知所以自効也。

乾隆己亥秋七月朔

賜進士及第兵部侍郎兼都察院右副都御史巡撫陝西  
西安等處地方贊理軍務兼理糧餉署理陝甘總督  
兼管甘肅巡撫事軍功加七級鎮洋畢沅撰

國家重熙累洽久道化成輶軒所達山陬海澨遺書逸  
典靡不兼採畢獻以充金鎖石室之藏甚盛際也余  
自維樛昧蚤歲通籍仰承

恩命由兵曹觀察畿輔不一歲復荷

新綸旬宣茲土夫西安爲古雍州形勝之地豐鎬旣宅下  
逮秦漢隋唐代建皇畿神皋奧區龍興虎視其中疆  
索山川民物政教因革損益憲古證今迥非列郡所  
能方駕己亥秋中蒞任以後訪宋敏求所修長安志  
于藏書家不可得因取州縣所修志籍詳加披覽率  
皆近代甄輯體例襍書言人人殊難以徵信未幾而  
郡守舒君以新修府志來上復請序以弁其端閱之

西夏府志序四

始知今

大中丞畢公於丙申入

覲有修明志乘之

奏是編則江寧嚴侍讀

長明

所纂輯者也余與侍讀于

乾隆戊子歲相與奉筆

機廷後先五載深悉其妍雅閱通爲當代著作巨手茲  
閱是編甄綜羣籍原本史裁而太守舒君復爲參稽  
案牘斟酌民言俾一郡之掌故眉列掌示宜于古不  
悖于今信乎可備一是邦之文獻而資賢守之設施矣  
昔漢蕭相入關先取圖籍厥後三輔黃圖西京雜記  
兩京道里咸鎬故事諸書摛文隸事艷溢縹緗然

亡率多參半傳者如程泰之之雍錄何大復之雍大  
記或失之煩或失之簡求能綜括古今而復折衷典  
則如今所著者方之于古豈易覲耶余自從宦以來  
久疎簡畢近歲復奉

命從征西南徼外戎馬馳驅更滋荒率今者方蒞茲土而  
皇然大著適觀厥成良深慶幸微君請亦將欣然泚  
筆以序之也繼自今甘露時雨沐浴

湛恩名山大川揚詡

盛德上以備四庫之儲藏下以佐三輔之化理胥在于是  
不其禕歟是爲序

乾隆己亥秋九月望陝西承宣布政使尙安撰

郡邑之有志所以審疆域察風土鏡古今辨因革觀  
民設教于是取資實爲治者輔相裁成之一助而今  
之有司往往忽焉不講蓋以簿書期會禁令徵發日  
汲汲焉無須臾之間又以爲此特文人學士用以詡  
方聞資博覽而非當務之急者故郡邑雖舊有志乘  
志生聽其編殘簡斷漫漶而不可考矧無所資藉而  
以證古証今爲之創始以備一方文獻蓋綦難矣乾  
嘉庚戌余奉

思今乘臬是邦知今

大中丞畢公於丙申入

觀石重修關中府志之

### 西安府志序六

奏西安首郡則太守舒君經紀其事而嚴侍讀長明方  
有事于排纂尙未蕝厥事余維西安地大物博兼自  
成周而後秦漢隋唐代建國都勝蹟遺聞甲於列郡  
自非博識通材莫能勝任今仰奉

恩綸旬宣南服行將俶裝入

觀而舒公適以成書來上因爲窮日披覽其中取材既博  
義例復精有張茂先之博虛有劉原父之殫洽蓋幾  
幾乎與宋敏求長安一志方軌齊駟至程大昌雍錄  
何景明雍大記焦源清雍勝畧諸書有其過之無不  
及也侍讀媿雅閱通向以著作有聲館閣而太守于  
政教修明之暇復能蒐輯舊聞網羅今憲使是邦之

疆理山川戶口田賦民物政事罔不粲若列眉瞭如指掌不獨使後之守此土者入境問俗坐而言者起而行而亦足徵其布政優閒不徒以法令文具自暴其賢勞尤足爲牧守所欽式也因不辭而爲之序乾隆己亥季秋上澣陝西提刑按察使陞授江寧承宣布政使諸城劉樽撰

關中天府四塞古稱神皋與區豐鎬既宅下逮秦漢隋唐  
締造宏業分郊畫畿其間山河雄秀人物瑰偉意必有闕  
通媿雅之材暢演鴻製以震耀古今耳目顧余稽之往牘  
徵諸今憲自宋敏求長安一志而外七百餘年無復有攷  
獻徵文以繼其盛業者豈其地之無足志歟抑以茲事體  
大而才學識不足以相支拄往往知難而退已爾余幼耽  
墳素自中歲通籍由農曹奉使楚蜀按部持籌久疎鉛槧  
今年秋仲復奉

命陳臬是邦涖任後知今

大中丞畢公輯有關中勝蹟圖志于丙申入

觀進呈

西夏府志序八

乙覽奉

旨繕入四庫全書復以

國家累洽重熙而關中爲文武遺區聲教易于漸被因請先  
將府志重加修輯荷蒙

俞允秉節西旋適江寧嚴侍讀長明遊寓青門因以首都屬其

編訂而太守舒君其紳爲之甄綜厥事余向與侍讀同官

貢師後先十載深悉其博虛殫洽擅著述之三長茲特方州

一志必能憲古證今以備一方典錄未幾太守以成書來

上因爲窮日披覽爲門一十有五分類五十有一統計八

十一卷其中取材宏富立義精嚴方諸史傳大都取則扶

而薈萃鑒裁尤與宋歐陽氏之新唐書相似非近日操

觚家之能事也然非太守之抱質懷文公餘之暇舉一郡之典章文物爲之斟酌民言參稽案牘以贊成厥美所詣亦安能如是是作者編摩之椽筆與述者甄括之苦心兼聽並觀蓋有缺一不可者抑余嘗謂都會之地首重京師他如建康臨安雒汴以暨西安皆古宅京之所而紀載胥未前聞我

皇上稽古右文網羅放佚以京都首善之區

欽命儒臣重修日下舊聞以備

西清掌故甚盛際也余本浙人而豫與秦中亦皆宦遊所歷竊欲從事于此今關中之志業已先獲我心侍讀端居多暇于數大都會之未有志者倘能悉踵成之用俟輶軒所

西夏府志序九

達兼採畢獻以充

石室金饋之藏不彬彬乎一時之盛軌歟余雖自媿不文他日尚當爲君泚筆以序之也

乾隆己亥冬十月下泮陝西按察使浦霖撰

西安古京兆地疆土恢廓而博厚山河  
人士瑰偉而英多古稱天府百二之雄  
盛豈偶然哉然則作志者於此將以徵  
代之版章土宇以及名山大川城郭溝  
星羅碁布鉅細具舉而政化之所施撫  
此犁然可攷不綦難歟

大中丞弇山畢公巡宣是邦閱茲數載舉  
無不備悉而西安爲省會要區尤加意  
夏入

避暑山莊以各屬舊志多簡而不詳浮而寡要

奏加增輯

西安府志序十

天子俞其請還及秦中適嚴侍讀

長明

至因

先以西安

志屬編纂焉夫地志之難難其與史相

表裏而尤

者在各得其民情土俗之所尚以稔知

乎條教號令

之所宜設施使後之讀是書者由其言

次第行之而

無不協乃爲善耳今西安自秦項洎今

或爲塞國或

爲渭南或爲內史或爲京畿或爲大安

或爲安西所

轄州縣或出入於馮翊扶風北地三

之間其疆域

城池變遷較異至於垂山惇物彼此

稱武功太

太白終南一實數號霸滻涇渭豐

瀆存涇

鄭白六輔龍首永安修濬異宜

闕苑園

陵墓祠祀之散見於諸史暨

長安志

奕大記諸書者或基址偏存或地分斷定求其博  
羣書攷符典故有倫有要者蓋已難言若其徵驗民  
風資益吏治有關於上人之政教民俗之淳龐者則  
非通達古今求至於昔之立言者不得而知之亦不  
得而詳之也我

朝德化覃敷文明光被海甸又安萬方沾沐深仁厚澤  
歌咏太平者百數十年於茲疆境日闢幅幘日廣雖  
在窮陬荒域莫不加以教養凡所以爲民晷計者靡  
所不至今

中丞公仰體

一政施美利使斯民欣悅樂利上致天和漸摩敦阜下

西安府志序十一

成風俗推厥由來大抵起於政化之自然而然作  
者宜若難以依擬侍讀此書乃舉其綱條其  
鋪陳事勢繪藻情狀藹然見上下和溢之氣象然  
際斯時而作志將潤色鴻業揚厲盛治實於是乎  
備位茲土亦樂得而述之若夫體例之精詳類事  
之贍具則又作者之餘伎耀特詳言耀者  
乾隆己亥孟冬下澣陝西糧儲道

邦國之志史之屬也唐劉知幾云史莫難于志而志地理尤難蓋夫疆理山川土田民物官師學校以治以教胥于此乎取則焉是以班氏漢書首志地理誠見夫徵文考獻治化所先而記載之不可以已也然吾觀天下郡國之志或迫于功令勉強爲之若府州縣志往往有數百十年而未嘗有成書者豈其郡邑之事皆無足志耶毋乃守茲土者有其志而無其才抑有其才而無其志故廢墜至于此歟西安古稱天府文武宅京而後代建國都地大物博人物政事數陪于他郡邑攷古作者代有纂述如關中記三輔決錄咸鎬故事兩京道里諸書皆佚不傳幸宋敏求長

西安府志序十一

安一志藏書家尙有副本堪以據依嗣是而後相傳明季王紹徽曾輯府志但其人閹黨是非筆削未必出於至公故未久而其書亦湮沒也我

朝重熙累洽稽古右文網羅載籍舉凡方州郡邑偏記瑣言咸得上之

闕廷以備天祿石渠之採是以今

大中丞畢公於丙申歲入

覲灤京特爲奏請將秦中府志重加修輯荷蒙

俞允迴轅後適江寧嚴侍讀長明遊寓關中因以首郡屬

其排纂而太守舒君爲之甄綜其事侍讀向官京師

有聲館閣乙酉歲奉